



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

Na osnovu člana 121. stav (6) Zakona o visokom obrazovanju („Službene novine Kantona Sarajevo“ broj: 36/22), u skladu sa članom 233. i 234. Statuta Univerziteta u Sarajevu, a u skladu sa Zaključkom Vlade Kantona Sarajevo broj: 02-04-44125-28/23 od 19.10.2023. godine i Odlukom broj: 02-04-51770-11/23 od 14.12.2023. godine i Odlukom Senata Univerziteta u Sarajevu broj: 01-2-59/24 od dana 31.01.2024. godine, Univerzitet u Sarajevu – Šumarski fakultet, raspisuje

**JAVNI KONKURS
ZA IZBOR AKADEMSKOG OSOBLJA U NAUČNONASTAVNA ZVANJA NA
UNIVERZITETU U SARAJEVU – ŠUMARSKI FAKULTET**

1. Izbor člana akademskog osoblja – nastavnik u zvanje docenta 1 izvršilac

Naučna oblast: Ekonomika, politika i organizacija šumarstva i urbanog zelenila.
(puno radno vrijeme, na period od 5 godina)

Pored opštih uslova propisanih Zakonom o radu FBiH, potrebno je da kandidat ispunjava uslove iz člana 112. (2). d) Zakona o visokom obrazovanju („Sl. novine Kantona Sarajevo“ br. 36/22), odnosno naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka.

Kandidati, odnosno članovi akademskog osoblja koji se prijavljuju u skladu sa članom 176. Zakona o visokom obrazovanju („Sl. novine Kantona Sarajevo“ br. 36/22) za izbor u nastavnonaučno zvanje docent treba da ispunjavaju sljedeće uslove: naučni stepen doktora u naučnoj oblasti na koju se bira, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti.

Kandidat za izbor u akademsko zvanje, uz svojeručno potpisanu prijavu na konkurs sa spiskom priloženih dokumenata, u papirnoj i elektronskoj formi prilaže sljedeće:

- biografiju (CV);
- diploma fakulteta o završeno dodiplomskom i magistarskom studiju, te diplomu o stečenom naučnom stepenu doktora šumarskih nauka ili doktora biotehničkih nauka iz oblasti šumarstva;
- spisak objavljenih naučnih i stručnih radova, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka, sa dokazom o objavljivanju/ispisom iz baze, sa pregledom časopisa izbornika u kojem su objavljeni sve nakon posljednjeg izbora
- dokaz o pokazanim nastavničkim sposobnostima ukoliko isti posjeduju;
- drugu dokumentaciju u vezi obrazovanja, naučne radove, knjige, projekte, nagrade i slično za koje kandidat smatra relevantnim a navedeni su u biografiji.

Napomena:

- Navedena dokumentacija u papirnoj formi se dostavlja u originalu ili ovjerenj kopiji.
- Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.

- "Relevantna naučna baza" znači međunarodna referentna i citatna naučna baza sa sadržajima objavljenim u anonimno recenziranim i indeksiranim publikacijama sa liste utvrđene Smjernicama. Preciznije: - "referentna naučna baza" podrazumijeva bibliografske, indeksne ili naučne baze podataka sa cjelovitim tekstom sa liste utvrđene Smjernicama, a koje indeksiraju anonimno recenzirane priznate publikacije,
- "Naučni rad" znači rad objavljen u priznatoj publikaciji.
- Naučni rad kao uvjet za izbor u akademsko zvanje smatra se objavljenim ukoliko je u elektronskoj ili printanoj formi dostupan javnosti prije isteka roka za predaju prijave na konkurs za izbor u akademsko zvanje.
- Naučni rad može se smatrati objavljenim i u slučaju kada je od izdavača časopisa izdata zvanična potvrda/obavijest da je rad prihvaćen za objavu sa naznakom datuma objave naučnog rada, a kao datum izdavanja rada smatra se datum izdavanja takve potvrde odnosno obavijesti. Potvrdu/obavijest da je rad prihvaćen za objavu sa naznakom datuma objave naučnog rada kandidat obavezno prilaže i dostavlja u svojoj aplikaciji na konkurs. U navedenom slučaju izabrani član akademskog osoblja je obavezan najkasnije sedam dana od datuma određenog za objavu naučnog rada dostaviti dokaz rukovodiocu organizacione jedinice da je rad objavljen. Ukoliko član akademskog osoblja ne dostavi dokaz da je rad objavljen, rukovodilac organizacione jedinice će pokrenuti postupak oduzimanja akademskog zvanja analogno postupku propisanom u članu 238. Statuta Univerziteta u Sarajevu. U postupku izbora u akademsko zvanja, kao rad koji je objavljen u skladu naprijed navedenim uslovima, mogu se prihvatiti najviše dva naučna rada.
- Pokazane nastavničke sposobnosti kandidata ocjenjuju se na osnovu rezultata evaluacije u skladu sa odredbama Statuta Univerziteta u Sarajevu i općeg akta koji donosi Senat, održanih predavanja na drugim univerzitetima, ocjena angažiranosti nastavnika u razvoju i inoviranju nastavnog programa, zainteresiranosti studenata za izbor predmeta, uspjeha u napredovanju nastavno-naučnog podmlatka i sl.
- Kandidat za izbor u akademsko zvanje docenta koji nije sudjelovao u realizaciji nastavnog procesa obavezan je da održi pristupno predavanje iz nastavnog predmeta ili uže naučne odnosno umjetničke oblasti za koju je konkurirao. Pristupno predavanje održava se pred studentima fakulteta/akademije na kojem/k kojoj se provodi postupak izbora i komisijom za pripremanje prijedloga za izbor. Pristupno predavanje održava se za studente one akademske godine (odnosno usmjerenja) na kojoj se izučava nastavni predmet odnosno uža naučna ili umjetnička oblast. Pristupno predavanje kandidat će obaviti u prisustvu članova Komisije za izbor. Vrijeme i mjesto održavanja pristupnog predavanja vijeće fakulteta/akademije javno oglašava na oglasnoj ploči fakulteta/akademije. Uspješnost pristupnog predavanja kandidata ocjenjuje Komisija za pripremanje prijedloga za izbor uzimajući u obzir rezultate ocjene predavanja od studenata. Studenti daju ocjenu o pristupnom predavanju kojem su prisustvovali na temelju vrednovanja sposobnosti kandidata da izloži materiju iz ugla razumljivosti i metodološke prilagođenosti slušaocima i tu ocjenu uvažava komisija i sastavni je dio izvještaja koji se dostavlja vijeću fakulteta/akademije.
- Prijava kandidata za određeno naučnonastavno zvanje treba da sadrži najmanje dokumentaciju kojom se dokazuje ispunjavanje uvjeta za izbor u zvanje docenta.
- Izbor se vrši na period od pet godina s mogućnošću jednog ponovnog izbora u isto zvanje.
- Član akademskog osoblja u zvanju docenta ima pravo biti izabran u više zvanje i prije isteka perioda na koji je biran ukoliko je u zvanju docenta, proveo dvije trećine izbornog perioda, ispunio sve uslove za izbor u više akademsko zvanje bez supstitucija u toku prethodnog izbornog perioda, te ukoliko je realizirao više od propisanog broja radova za izbor u više zvanje, za vanrednog profesora, dodatno objavio najmanje tri naučna rada u relevantnim naučnim bazama.
- Ugovor o radu na određeno vrijeme s izabranim kandidatom zaključuje se na period izbora u naučnonastavno zvanje docenta (5 godina), a shodno uvjetima konkursa.

Rok za podnošenje prijave je 15 dana od dana objavljivanja.

Prijave sa dokazima o ispunjavanju uvjeta predviđenih konkursom podnose se lično ili putem preporučene pošte na adresu: *UNIVERZITETA U SARAJEVU – ŠUMARSKI FAKULTET, Zagrebačka broj 20, 71000 Sarajevo*, sa naznakom "*Prijava na konkurs za izbor akademskog osoblja, sa naznakom naučne oblasti na koju konkuriše*". Neblagovremene i nepotpune prijave neće se razmatrati. Sve informacije u vezi ovog konkursa mogu se dobiti preko kontakt osobe, Sekretar Fakulteta, telefon 033/812-490.